

蘄州志卷之二

知蘄州事嶺西封蔚初纂修

地理志

沿革

蘄地周以前無攷十道志謂春秋戰國屬楚秦置三十六郡屬九江此沿革之始也厥後為國為郡為路為府為縣為州析合不常今據各史地理志曉悉可稽者備著之表

沿革表

蘄州志

卷之二

沿革

紀代	年	國	郡	路	府	州	縣
唐							
虞							
夏		蘄在禹 貢為荆 州之域					
商		弦子國地					
周		屬楚					
春秋		屬楚					
戰		屬楚					
國							

新州志

卷之二

沿革

二

秦

秦置三十六郡
蕪屬九
江郡

漢

蕪春縣

屬江夏郡

東漢

蕪春國

蕪

建武二年封陳浮
十三年為蕪春

國侯領縣三日
西陽曰
邾曰軼

蜀漢

蕪

魏

蕪春郡

吳

沿

晉

太康元年

莒

蕪春縣
屬西陽郡隸豫州

東晉

太元三年

蕪陽縣

舊志簡文后諱

蘄州志

卷之二

沿革

沿革

三

宋

年大明八

附魏

齊

年永明四

齊昌郡

齊昌縣

春因避
為陽

沿

屬豫州
西陽郡

沿

徙縣治
於石穴
洲

改蘄陽
為齊昌
析置永
興縣隸
焉屬豫
州

北江州

草

析齊昌
置羅田
縣隸焉

羅州

廢南新
蔡郡改

北齊

梁

草

蘄州志

卷之二

沿革

沿革

四

陳

大建五年

齊昌郡

復齊昌郡

北江州
為羅州

沿

後周

沿

蘄州

改蘄州
始此復
置永興
縣隸焉

隋

草

蘄州府

改州為
府析郡

草

開皇三年

開皇九年

復為蘄
春縣

草

蘄州

復改府
為蘄州

大業三年

蘄春郡

復立蘄
春郡

沿

唐

草

沿

武德元年

天寶五年

蘄春郡

蘄州
復改郡為州

草

蘄州志

卷之二

沿革

五

乾元元年

復草州
為郡

草

蘄州

郡廢復
蘄州隸
淮南西道

梁

沿

屬吳

唐

沿

屬吳

晉

沿

漢

沿

屬南唐

周

沿

宋

沿

置防禦

安撫使

安撫使

王益始

景定三年

元

明年
洪武元

蕪州志

卷之二

沿革

六

蕪州路
屬河南
行省淮
西江北
道

草

蕪州府
改路為
府領縣
五附郭
為蕪春
縣外黃
梅廣濟
蕪水羅

田屬焉

草

蕪州

改府罷
蕪春縣
復為蕪
州外領
縣如故

借所領
縣同隸
黃州府

洪武十
二年

洪武九
年

遷今治

草

國朝

南郡

通考蘄屬九江郡隸揚州圖內復因漢江夏郡有蘄春
又隸荊州圖內晉書地理志曰六國時其地為楚秦取
鄢郢為南郡漢分南郡為江夏郡蘄屬及置十二州因
舊名為荊州統南郡舊說謬據此蓋秦之南郡地大北
抵襄陽南抵江夏西北舉唐鄧而蘄屬九江不與焉漢
乃割南郡北境並九江南境為江夏郡蘄始隸焉南郡
別自有十八縣蘄在秦屬九江在漢屬江夏謂蘄為南

蘄州志

卷之二

沿革

七

郡誤

顧氏志論

漢初分南郡為江夏郡仍隸荊州蘄春屬江夏建安十
三年曹操盡得荊州何夔傳曰建安中袁術與橋蕤攻
蘄陽蘄陽為魏固守則蘄已為魏有赤壁之敗南郡以
南屬吳吳後遂與蜀分荊州於是南郡零陵武陵以西
為蜀江夏桂陽長沙三郡為吳而荊州之名南北雙立
是此時蘄屬吳建安二十五年孫權自公安都鄂分江
夏郡為武昌郡屬以武昌下雒尋陽新陽柴桑沙羨六
縣皆江南地而蘄改蘄春郡又省郡為縣屬弋陽郡魏

又改弋陽爲西陽今之光黃州地也黃初三年以江北諸郡爲郢州四年吳擄叛將晉宗於蘄春復置蘄春郡先是宗爲浣口守將叛入魏至是擄宗還齊王芳本紀云自帝卽位至嘉平五年郡國縣道多所署省俄或還復不可勝紀大抵蘄初屬魏赤壁敗復屬吳文帝時又屬魏繼又歸吳三國無地理叅詳傳記如此

顧氏志論

潯水

潯本作尋漢屬廬江郡在江北蘄地也所謂以蘄陽之尋水並豫章之柴桑而立郡是也晉志惠帝永興元年

蘄州志

卷之二

沿革

又七

分廬江之尋陽武昌之柴桑乃立尋陽郡始治江南潯

陽記云古蘭城地

顧氏志論

南北隸郡

宋書州郡志晉惠帝分弋陽爲西陽國屬豫州蘄陽縣居西陽之第三及宋武盡得河南地蘄早爲宋有至明帝後魏南侵淮北及豫州西境悉遭陷沒則宋亦早失之史稱得失靡常考據難定加以載籍多燬不可得而詳宋文帝紀元嘉七年罷南豫並豫州八年割豫州秦郡屬南兖州十二月罷湘州還並郢州十六年正月復

分郢州置湘州二月分長沙江夏郡爲巴陵屬湘州閏
八月復分豫州之淮南爲南豫州二十九年罷湘州還
並荊州孝武帝紀孝建元年分揚州立東揚州分荆湘
豫州立郢州於郢州立安陸郡大明二年復西陽郡三
年割豫州梁郡屬徐州七月分淮南北復置二豫州四
年以徐州之梁郡還屬豫州五年移南豫州治淮南於
湖縣六年改豫州南梁郡爲淮南郡舊淮南郡並宣城
八年六月以豫州之淮南郡復爲南梁郡復分宣城還置淮南十二
月以王畿諸郡爲揚州以揚州爲東揚州前廢帝永光

蘄州志

卷之二

沿革

八

元年割荊州隨郡明帝泰始二年分豫州立南豫州三
年罷南豫州五年二月分豫州揚州立南豫州四月割
雎州隨郡屬郢州割豫州義陽屬郢州以郢州西陽郡
屬豫州六月罷南豫州後廢帝泰豫元年閏七月割南
豫州南汝陰郡屬西豫州以西豫州廬江郡屬豫州元
徽元年割南兖州之鍾離豫州之馬頭又分秦郡梁郡
歷陽置新昌州立徐州四年割郢州之隨郡置司州以
上或與蘄同郡或爲蘄所屬或隸蘄廢置紛紜殊無一
定考蘄地當宋武初因晉制屬豫之西陽郡文帝元嘉

元魏南侵豫及淮西皆不守歷三十年至孝建元年又分荆湘豫立郢州所謂度郢州是也於時西陽屬郢矣又五年爲大明二年復西陽郡不審所謂復者復自魏也耶抑省而復置耶明年分淮南北復置二豫州後魏南侵淮北至於瓜步豫州西境悉被陷害長淮遂爲北境則蘄入魏矣魏地形志曰以齊昌縣屬北江州恐卽此時也泰始二年割郢州西陽郡屬豫州其時蘄又屬豫或者旋爲宋復耶泰始五年又度豫大抵終宋八帝六十年反覆如此蘄舊志但云屬豫州之西陽郡欠考

蘄州志

卷之二

沿革

九

顧氏志論

羅州

梁天監初柳慶遠帶淮陵齊昌二郡守而王僧辨傳又有羅州刺史則梁初已改宋齊之制升縣爲郡不屬西陽而羅州不審何帝置或在簡文前耶至敬帝分齊昌五郡置西江州此時羅州又當廢魏地形志曰北江州領郡六蕭衍置魏因之齊昌郡居第二則梁初又當屬北江州矣大抵自縣升郡自郡升州州有刺史郡有太守其置齊昌郡卽郡置羅州如今府治之附郭耳

顧氏志論

南齊昌

陳初北失淮淝以長江為界齊亦在所失天康元年周
炅復之炅入朝田龍升復叛入齊炅又復之至宣帝盡
復淮南經紀淮北則齊昌以北全復於陳陳書大建五
年五月齊改縣為郡者並復之七月戊申罷南齊昌郡
南齊昌者因失齊昌故僑立也至是復齊昌罷僑郡

志論

五蠻

北齊書大象中司馬消難舉兵反於時北距商雒南距

蘄州志

卷之二

沿革

十

江淮東西二千餘里巴蠻多叛推渠帥蘭雒州為主號
河南王以附消難按蘄在漢屬江夏自光武建武二十
三年徙南郡蠻七千餘口於江夏界中此江淮有巴蠻
之始水經巴水五蠻居之今蘄地也宋元嘉末又於西
陽立十八縣以處豫部蠻民至是作亂

顧氏志論

石穴洲

魏自太平真君七年有河南淮北地以大江為界都雒
陽水經注曰蘄口洲上有蘄陽縣治徙石穴洲按即今
掛口南對之洲宋時鴻宿洲也不審魏何時而徙厥後

延興末詔州郡十丁取一以充行戶太和末選募武勇十五萬人號羽林虎賁旋復擯抑兵民流穴江北大亂或者徙治此時耶不則在太平真君末或太和中也

顧氏

志論

景定新城

舊志景定四年元復攻蘄守臣王彥明死之安撫使王益因遷今治按理宗本紀景定三年八月丁酉築蘄州城知州王益落官階正任高州刺史制置使汪立信上蘄州新城圖然則前此已遷治矣益以知州帶安撫使

蘄州志

卷之二

沿革

十一

而彥明是蘄春縣令非守也蘄自嘉定十四年陷於金宋復之至端平三年爲元太宗八年復爲札刺溫火兒所攻孟珙解其圍嘉熙元年又攻三年又犯境史皆未言蘄陷惟元史張晉亨傳云中統元年晉亨之子好古移戍蘄州宋人攻蘄好古力不敵死之嚴實傳亦云宋人攻蘄勢張甚中統元年卽宋景定元年也又宋史地理志云嘉熙元年蘄春治宿松景定元年移治龍磯然則蘄之舊城自嘉熙已失凡二十餘年或僞治宿松境或攻或復其保民江上實則景定元年也至三年今城

成乃圖上耳。蘄志謂四年元人設砲白雲山舊城陷始築今城者非。嗣是相持十四年至德元年元人以舟師造城下管景模始以城降元因廢舊城卽新城治之。
顧氏志論

分野

蘄之爲翼軫分也。本荊州言之也。晉唐以來史志昭然。度次皆得而考而論者。往往引揚豫二州之宿牽連及之。異同之故未易以一言概也。要其大較可觀焉。志分野

蘄州志

卷之二

分野

三

星攷

翼二十二星十八度七十七分軫四星十七度又翼宿中有東甌五星軫宿中有軍門二星土司空四星青邱七星器府三十二星據明史東甌五星今無青邱七星今三其軍門二星土司空四星器府三十二星今俱無。舊按翼軫乃楚之總分。舊志詳載星圖並附占驗。楚中郡邑志皆可移易。且如東甌器府等星已非古測。則圖不足據。翼主三公軫主宰輔。其應甚大。非一郡一邑之占。今俱從畧。

分野攷

封域皆有分星其說雖已見於周官然可攷者十二辰所屬而已天官書曰翼軫荊州漢書十二次之分因之蓋通全楚而言固無所據而斷其爲蘄州分也晉天文志曰汝南入房二度黃州志曰魏文帝分汝南立弋陽郡治西陽軼蘄春邾西陵期思弋陽皆其屬縣斷以蘄黃分入之星爲房二度按房主豫州汝南本豫州地故當入房西陽雖嘗屬豫而邾軼蘄春等邑地本在楚分野安得與時移易且分汝南在三國時晉時西陽則分

蘄州志

卷之二

分野

三

弋陽郡爲國屬豫州不云汝南故知入房之文就汝南故域言之非通指文帝時分立之汝南言也唐書古陳蔡許息江黃道柏沈賴蓼須頓胡防弦厲諸國皆壽星黃州志謂蘄爲弦子國地顧氏志論謂蘄在春秋爲蓼地故又以蘄爲角亢分攷弦國在今河南汝寧府光州春秋蓼凡三見據杜注一在今河南南陽府唐縣一在今河南汝寧府固始縣一在今江南廬州府廬江縣在廬江者爲舒蓼唐書壽星分之蓼當不指此餘二蓼弦國距蘄各數百里何所據而斷以爲蘄故地地在楚而

以鄭分野當之可乎且南陽府之蓼別爲張分謂蘄入張可乎一隅之地而數州之星互見不應分歧若此唐書天文志曰翼軫鶉尾也自房陵白帝而東盡漢之南郡江夏東達廬江南部濱彭蠡之西得長沙武陵又逾南紀盡鬱林合浦之地自沅江上流西達黔安之左皆全楚之分按蘄州在漢爲蘄春縣屬江夏郡是蘄爲翼軫分也唐地理志淮南道古揚州之域安黃申光蘄爲鶉尾分或疑旣稱揚州之域不當復分鶉尾不知蘄黃等處乃提出言之以別於揚州蓋謂淮南道固揚州之

蘄州志

卷之二

分野

十四

域安黃申光蘄則鶉尾分也與前志自合明史天文志張十六度至軫九度鶉尾之次也湖廣之武昌府興國州荊州府歸州夷陵荆門三州黃州府蘄州襄陽德安二府安陸沔陽二州皆翼軫分晉天文志江夏入翼十二度湖廣通志由孝感西南抵漢川漢陽逾武昌泛樊口入黃州括二郡全境以至德安之安陸雲夢應城其地爲江夏郡入翼十二度或謂江夏入翼據晉郡而言晉江夏無黃州通志殆未深攷據明史武昌德安黃州同分翼軫蓋通漢江夏郡皆在一統志亦曰黃州入翼

十二度固不獨通志云然而唐書所謂中翼十二度終軫九度則明指漢之江夏可謂無黃州乎是又不待辨析而明也通攷楚北郡邑惟德安府之隨州襄陽府之均州光化縣爲張分餘皆分翼軫隋書地理志叙揚州分野蘄春郡屬焉其曰自斗十二度至須女七度則指言淮海之地故知非蘄州分通志亦以蘄在吳楚之境爲翼十二度終而斗之十度入厯攷星野雖壤地相錯皆不紀餘分謂逾蘄卽斗之分野可也謂吳楚之境爲翼與斗會不可也斗固不得與翼並載而房與角亢之

蘄州志

卷之二

分野

十五

不應入蘄益審矣夫星度遠而難知輿地近而可攷有定野然後有定星有定星然後有定度星度定然後徵應得稽焉蘄之爲楚野也其星翼軫也而度則翼也合史志觀之明白曉悉無可疑者論者往往泥析合不常之郡邑附會舊文而訖無定說故詳攷之如此

甲乙存稿

疆域

州境界吳楚之間輪廣數百里壤地交錯於黃郡稱衝要司牧者由畫郊圻慎固封守按圖而宣理之其爲責綦重云志疆域

州治在黃州府東一百八十里廣一百三十里袤二百五十里

東由安平鄉至廣濟縣楊林舖界四十里縣前舖七十里

西由州城經永福鄉至蘄水縣陸家舖界六十里縣前舖一百二十里

南自州城至興國州黃陂口江心界一十里州前舖七十里

北由州前舖至羅田縣鷄兒河界二百里

蘄州志

卷之二

疆域

十六

東南自州城至廣濟縣界十里

西南由州城至漳源口大冶縣界三十里

西北由州城經永福鄉至蘄水縣界一百里

正北由州城經大同鄉至英山縣界二百一十里

東北由州城經崇居鄉至黃梅縣界一百五十里

東北由州城經大同鄉至宿松縣界一百七十里至太湖縣界二百里

至省水路三百六十里陸路四百一十里

至京水路四千八百十五里陸路三千二百九十五里

形勢

因地賦形因形成勢非獨勝概足憑而已察原隰之包阻習山川之險易然後可高下其宜而布之利其因以爲備者在是焉志形勢

湖廣總志曰蘄州白雲西蟠大桴東踞江水從茅山十三磯紆行而趨九江鉛錫之水入蘄河編戶之里六十四水陸交衝達於吳會形勢之地也

黃州府志曰蘄州北接光蔡東峙滯皖爲江右之藩籬淮西之屏蔽古來言地利者蘄口之險與夏口湓城相爲頡頏豈非大江上下防遏爲難而蘄州雄峙江濱備禦尤不可不預乎

按北接光蔡據黃州形勢而統言之非蘄接光蔡也舊志曰蘄州昔人稱爲吳頭楚尾荆揚交會之區背麟岡面鳳嶺山勢自橫岡發來奔踞大江怪石林立鴻洲環其前諸湖繞其後左控匡廬右接洞庭佳山秀水環絡千里有鼓吹白雲之勝

劉誠意伯基曰蘄江爲諸省要會舟航往來必由之衝盧絃曰蘄自宋元間移治以來建城濬隍麟阜翼左鳳

麓拱右大江襟前諸湖帶後黃郡之藩籬而全楚之扼塞也

顧景星論曰蘄濱大江西南自荆襄順流千里而遙東北至吳千里而遙其陸北接汴洛淮徐千里而遙舟交馬錯數千里之衝自蘄左右前後千里內有關疆境者皆宜諳悉不獨蘄而已

以上俱錢志

廂坊

廂坊爲附郭之區四民雜處其中亦州境之要地也邑明季受禍最烈文獻無徵故里名不得而攷茲據

蘄州志

卷之二

廂坊

十六

冊錄所存者書之俾後來有所本云志廂坊

蘄城內外曰廂坊轄三圖圖卽里也以每里冊籍首列

一圖故不曰里而曰圖

通志

廂坊轄里三其名不可考

編戶錄

嘉會平政二坊 在州治前

文明坊 在儒學前

清晏寅賓二坊 在城東

鳳山坊 在文明門內

懷德豐樂通義威振勇知武定六坊 在州治西

仁和坊 在分司前

金沙坊 在治西

拱辰坊 在城北

兌澤坊 在澄清門內

和樂坊 在武襄門外

清江坊 在觀瀾門內

平沙坊 在澄清門內

全勝坊 在城東北

雄邊坊 在賓陽門

蘄州志

卷之二

廂坊

十九

雄江坊 在法勝寺前

迎恩坊 在北門外十牌樓 以上俱見編戶錄

鄉鎮

古者畿內不過六鄉市不過二十肆入其境可稽而數也

國家涵濡煦育民用蕃富蘄以一州之地而五鄉二鎮諸市集皆屬焉民生愈厚則編查愈難非司牧之責與

志鄉鎮

蘄州舊十四鄉今五鄉 太平寰宇記

五鄉曰安平曰永福曰青山曰崇居曰大同按青山之名見趙與裕嘉定辛巳泣蘄錄大同之名見洪邁夷堅志

疑五鄉之名自宋已然 編戶錄

蘄州五鄉編戶六十四里 明統志

國朝編戶二十八里 湖北通志

安平有清化永豐義城黎企高山青石文頓諸里名與本郡之廣濟接界 陳氏志存稿

兩路口市 在州東五里

施家塘市 在州東二十里

蘄州志 卷之二 鄉鎮 二十

菩提壩市 在州東三十里 以上本錢志

三渡橋市 在州北三十里

清水河市 在州北五十里

土門市 在州北二十里

烏龜港市 土人云今作吳桂港非 在州北二十五里

楊段市 在州北三十五里 以上潘志

渴口市 在州北四十五里 錢志

按渴或作豁昔為魯威伊地

白池湖市 在州北四十里 潘志

漕河鎮 在州北五十里此一大市集也 錢志

易家河市 在州北四十五里 潘志

高山舖市 在州東北六十里

十里舖市 在州北六十里

三家店市 在州北五十五里

新舖市 在州北六十五里 潘志

西河市 在州北六十里即驛遞所也 潘志

火爐舖市 在州西北六十五里 潘志

永福有茱萸長石新安諸里與本郡之蘄水接界 陳氏志存

蘄州志

卷之二

鄉鎮

三

稿

蘄口鎮 在州西五里今廢按蘄口即今掛口 潘志

彭思橋 在州西北六十里有巡檢司署 錢志

按署舊在茅山後移建於此

黃北城市 在州西北六十里 潘志

橫車橋市 在州西八十里

按名見宋史

女兒街 州西北九十里接蘄水界 以上潘志

青山有歲豐武昌禮下松山神亭達城諸里與本郡蘄

水縣連界

陳氏志存稿

黃城河市

在州北七十五里

潘志

分路街

在州北九十里

獅子口市

在州北一百一十里

俱錢志

株林河市

在州北一百里

潘志

崇居有合城安平東甘官田童子白水諸里與本郡廣

濟黃梅並安徽之宿松接界

陳氏志存稿

甕門市

石門如甕

在州北七十五里

按其下卽鉛鋤潭

蘄州志

卷之二

鄉鎮

三

劉公河市

在州北九十里

按名見辛巳泣蘄錄

聶家壩

在州東北一百里

胡家涼亭市

在州東一百五里

馬路口市

在州北一百里

蓮花菴市

在州東北一百里

青石嶺市

在州東北一百一十五里

望天畝市

在州東北一百二十里

芭茅街市

在州北一百三十里

桐梓河市

或作童子

在州東北一百二十里

白水販市

在州東北一百四十里

以上

俱潘志

大同有名義河東河西高砂長峪諸里與安徽宿松太湖英山接界

陳氏志存稿

張家塆鎮

在州北一百六十里一大市集也

錢志

汪家壩市

在州北一百三十五里

潘志

大同市

在州北一百五十里巡檢者在焉

錢志

兩河口市

在州北一百八十里

潘志

檀林河市

在州北一百九十里

錢志

蘄州志

卷之二

鄉鎮

二三

所見諸里名永福僅得其三而四鄉各羸其一既未悉其省併之由而一圖中里名雜出參差蓋文獻之不足徵湖北為尤而蘄州又其最也

編戶錄

山川

潛霍以南羣山蜿蜒數百里併赴於蘄川則大江東注四流之支三十六種之委皆會焉志稱吞吐吳楚不其然與英傑代興民用富庶蓋亦得高深之助云

志山川

山

麒麟山 在州治後山勢蹲伏以形似名明荆藩遺址

山前中為州署左為學宮右為書院後一面為城

詩詳

藝文

蘄州志

卷之二

山川

二四

鳳凰山 在州治西南山勢軒舉以形似名上有洗墨

池仙人臺千仞亭七葉寮今俱廢

詩詳藝文

鷄雞山 在治西南盧叅政絃構四照亭於其上今廢

卜羅山 在觀瀾門內即衛署基址所在

潘志

打鼓臺山 在州東五里山勢迤邐

迎山 在州南八里山形與治城相迎故名又名寅山

又名銀山山半有小菴相傳明高啟避跡於此居雨

湖之東毗廣濟

詩詳藝文

龜鶴二山 在州東十里麓多梅花二山並峙形如龜

鶴故名今梅無存 詩詳藝文

野狐山 在州東十二里

了頭山 在州東十三里 詩詳藝文

蟠龍山 在州東十五里

百家治山 在州東三十里一名白望山斬竹所產處

通志

按白茅堂集謂宋鐵冶場也

麻寅山 在州東三十五里

大旺山 在州東四十里

新州志

卷之二

山川

二五

紫玉山 在州東四十五里

羊蹊山 在州東北六十里

雲峯山 在州東北一百一十里

還元山 在州東北一百一十二里

四隘山 在州東北百四十里

小泉山 在州東北百五十六里

丹井山 在州東北百三十里井底有四竅

按四時出泉世傳王全真煉丹於此 明統志

掘斷山 在州東北百六十里

大原山 在州東北二百二十里

茅平山 在州東北二百二十三里

龍元山 在州東北二百三十五里

寶蓋山 在州東北二百三十七里

大泉山 在州東十里泉水清冽山麓有大泉寺華頂

巷有仙人洞 詩詳藝文

蘇家山 在州東南十五里

安陽山 在州東南三十里

夫妻山 在州東南三十五里兩山對峙故名

蘄州志

卷之二

山川

二六

象鼻山 在州西十里俗名高家山與龍峯石獅對峙

即蘄河水口在掛口西岸

圓峯山 在州西四十里有東西二菴二梵祖師西竺

僧隋唐間住此山半有泉土人所雨輒應 詩詳通志

城山 在州西三十五里

馬下山即馬驂山一名馬鞍山 在州西六十里錢志

謂漢高祖征九江王英布下馬於此 非也在沛郡之

蘄縣元至元二年並入宿州今在江南徐州府 詩詳藝文

五岳山 在州西北六十里上有福勝寺仙人墓有井

歲旱不竭祈雨卽應

雨標山 在州西北八十里

白雲山 在州西五十里自旦至暮常有白雲繚繞其

上隋時建塔寺焉又云汴湖得入定僧二人遣使送

至蘄州白雲山再召之二僧遂入古井中隱沒湖廣通志

按白雲山卽廣教山舊志兩載之非是詩詳藝文

茅山 在州西北六十里下有磯自鰈魚磯至嵐頭磯

十三處古傳九里十三磯

磨盤山 在州西北六十里

蘄州志

卷之二

山川

二十七

盧師山 在州西北六十二里山巔平衍刻有三大字

清勁倉古未知昉於何時

壽眉山 在州西北六十五里

火爐山 在州西北七十里

靈虬山 在州西北七十五里詩詳藝文

麻石山 在州西北八十里

琳山 在州西北八十里

蔣家山 在州西北九十里上平衍有田數頃抵蘄水

縣界

六合山 在州西北百一十里有東洞龍王神井 通志

北障山 在州北四里俗名缺齒山一名呂王城相近

又有磨盤山

一在治北一在安平一在永福下鄉石
灰壠舊傳金牛勝蹟

盤龍山 在州北五里上有石鼓院舊志載麻衣道者

無藥禪師二真身在焉

龍峯山 在州北六里山勢聳拔為州城屏障綿亘里

許至掛口東岸作蘄河水口下有石高丈餘形似狻

猊有石洞白花蛇產此今無

按顧氏志一名空石山

蘄州志

卷之二

山川

二八

土門山 在州北二十里

宣撫山 在州北三十里

米家山 在州北三十五里山形鬱葱類小米畫意一

名虎兒山俗名獨山

細石山 在州北四十里

玩鶴山 在州北四十二里

蘄山 在州北六十里

雲霧山 在州北七十里山麓一石齒刺上有虎足跡

俗稱虎踏石相傳唐伏虎禪師伏虎於此

策山 在州北八十里石壁峻險上有石砦並策山寺
國初土人張相率鄉人築砦避難於此幾為賊破忽有人

騎白馬擐甲冑持太阿賊見奔散寨得保全承平立

廟祀之

同治間髮逆犯境監生張玉軒集英國洋等
協衆重修

豹子山 在州北百里有上中下三山峯巒聳秀

老鴉山 與豹子山相連如鴉展翅故名

西龍巖 在州北百一十里水口石鑄觀頤視履四大

字

黑石寨 明末土人避兵於此上有黃茅尖佛乳尖

蘄州志

卷之二

山川

二九

荆竹山 在州北百一十五里山勢綿遠曲隈中有燕

子巖元至正間汪不花聚鄉勇立寨禦紅巾賊

羊角山 在州北百二十里一名楊家寨即楊先春勦

賊處

北辰山 在州北百二十里上有百神廟

風火山 在州西北百二十里蘄州蘄水分界處

伏虎山 在州北百二十里形如虎伏故名

金鷺山 在州北百二十里北極峯下高聳峭拔四山

環拱三十六水逕繞其前滙鈔鋤潭山麓有金鷺寺

通志云嘗有金鷲出石間其上有籠鷲石
八卦峯相連有小八卦峯 在州東北百二十里山前
有畝名望天畝

北極尖 在州北百二十五里 俗名白雞尖

獅子口山 在州北百一十里高十丈橫亘數百丈礪
石盤屈

祖師記山 在州北百一十里五峯排立下有大石盤
旋窩廣數丈中有石牀磴相傳祖師修煉處

女人寨 在州北百二十里與牛皮寨並峙寨下有黃
眉尖

蘄州志

卷之二

山川

三十

葛場山 在州北百四十二里

堆金山 在州北百三十里

三角山 在州北百四十里峻嶒聳拔三峯突起大峯
中有老龍洞子午水潮洞口懸石鐫惟天在上四字
極古勁自洞而南左東龍巖右西龍巖中有會龍池
又有捨身巖慈應祖師覺慧處 記詩俱詳藝文

大王山 在州北百五十里與英山接界

鏡臺山 在州北百五十里

唐家山 在州北百六十五里抵黃梅界

河槎山 在州北百四十五里通志云一名查山其下

有河槎堡名勝志謂宋程谷隱居之所谷蓋珣之後

珣乃明道伊川兩先生父也

葉家山 在州北百六十里

馬鞍山 在州北百七十里

兜鍪山 在州北百九十里石壁四匝形如軍盔北向

似壽翁首有石若列眉土人又呼壽眉山

大桴山 在州北二百里

蘄州志

卷之二

山川

旋螺山 在州北二百一十里一名魁山一名仙人臺

有九十九隘高若列屏橫亘州北陟其巔可極目千

里西向石臺相傳劉五劉六修煉處山塢有寺明正

德間州人郝守正肄業於此手植杉二株蒼枝古幹

今無存 詩詳藝文

久長山 在州北二百二十里

金斗山 在州北二百二十五里

玉屏山 在州東北里許俗名周公山明時州人周副

使禧施為漏澤園

象馬山 在州東北二里舊傳邊徼貢象經此一云荆
藩參象馬處

羅漢山 在州東北五里

馮家山 在州東北三十里卽馮大司寇母墓有華表

展旗山 在州東北六十里上有砦

高山 在州東北六十五里明崇禎丙子設險高山廣

濟尉魏時光以鄉兵守此被賊繫不屈死 詩詳藝文

烏石山 在州西北七十里上有廟宇二所一爲胡仁

二香火一爲劉先二香火

蘄州志

卷之二

山川

三二

駱駝山 在州東北九十里坳口砌有石洞以便行人

往來

小嶺山 在州東北六十五里

甕門山 在州東北七十五里俗稱涸龍奔江又五里

有石門山俗稱石馬山

靖明山 在州東北九十里俗名太平砦上有寺清幽

軒廠土人呼爲大山坪

按太平山古名靖明上有靖明寺唐建宏治中重建

鐘鐃記 詩詳藝文

層峯山 在州東北百有五里抵廣濟界

九龍山 在州東北百一十里有龍井九處一名九潭
山上有高谿寺

橫岡山 在州東北百一十里山之陽屬廣濟山之陰

屬蘄州上有天柱峯捨身巖諸蹟

詩詳藝文志畧

石人寨 在州東北百五十里石笋一枝宛如人立

詩詳

藝文

道觀山 在州東北百五十里上有天帝觀

仰天窩 在州東北百五十里山峯圍繞如牆

蘄州志

卷之二

山川

三三

蟠龍山 在州東北百六十里山自西北逆迴東南蟠

屈二十餘里後臨石溪飛流瀑布千丈其下有龍津

潭兩山石拱如門右挺一山當河衝封兩山之缺上

有小洞名石觀音洞苔蘚重重形如佛龕人跡罕到

昔傳一樵子緣藤而上見內有石觀音又名觀音窠

對面有手巾菴石洞一名靈巖洞洞石上從五丈衡

十丈內有張金祖師真身

志畧

獅子山 在州東北百六十里以象形名

烟波寨 在州東北百六十五里當水口突起如烟波

有峭壁不可上

羅漢尖 在州東北百八十里形似羅漢故名頂有石

洞土人縋而入歷數十重境漸幽澗懼而還 志畧

鼓角山 在州東北百六十五里舊傳天欲雨卽有聲

如鼓角騰空谷中一名鼓吹山 見唐書 其北有古龍

池兩山對峙如壁怪石齒齒中一澗僅丈餘內有潭

深不可底潭側有石洞風出其中俗呼風洞 志畧

龍目山 在州東北百八十里其下有宗渡河

小隘嶺 在州東北百八十里抵宿松界

蘄州志

卷之二

山川

三四

石牛山 在大同鄉其陰則高砂里其陽則長峪里山

頂怪石屹立如牛故云有雲隱寺俗名朝東菴康熙

間僧霜松棲錫於此里中陳愚谷陳半菴皆有題詠

詳藝文志叅新稿

蘆林寨 在州東北百八十六里峯頂下窩瀦水如湖

每歲生巨荻異於常產其懸岩下有長樂園石列二

神面目遊人比之古石丈人

將山一名將軍山 在州北二百里 詩詳藝文

相山土人誤爲桐山 在州東北二百有五里抵太湖

縣界

巫山 在州北二百二十里秀翠如蜀之十二峯

四流山 在州北二百四十里山與英山接界其水南

注蘄春西注蘄水北注壽州霍山東注太湖 寰宇記

按此水北流入英山不注壽州霍山壽州去蘄甚遠

龍津巖 在手巾菴石州北百六十里兩山皆石中空

丈餘為河道水口千尺懸石上瀑布若白龍一名白

龍巖又若噴雪一名噴雪巖下迴瀾為龍津

牛皮砦 在州北百四十里四面皆險峻明崇禎間土

蘄州志

卷之二

山川

三五

人避亂於此今基址城牆尚存 志畧

流水巖 在青山上鄉懸巖千尺有瀑布若挂壁然

香爐巖 在仙人臺前

叫雨尖 在三角山歲旱叫雨輒應

黃茅尖 解公尖俱在青山鄉

晃石洞 在州北二百一十里大石盤礫山椒若巨靈

蟄砌頂有一石中分叩之聲若鐘鼓下有洞能容數

十人峭壁如削

朱家洞 在青山鄉相傳祖師修煉處有浴盆今存

許家洞 在青山雞籠峯下相傳許氏先世值宋元兵

亂見洞門自開因避居之承平始出後求其故處不

可得乃建庵於峯東南曰慶雲

志畧

紫雲洞 在黃茅尖之陽洞頂有大石可坐數十人陳

友夏鐫留雲伴月四字

毛狗洞 在分路街左長亘七八里與麀鹿坪通內伏

有靈物每於春夏時雲氣一興立雨

志畧

亥泉洞 在崇居白巖寺宋白巖和尚修真處有石刻

蛇山古洞長亘十餘丈相傳土人避難於此

志畧
以上潘志

蘄州志

卷之二

山川

三六

蜘蛛山 在治北百二十五里崇居鄉內

螭堆山 在崇居鄉黃信甫高麗使者趙性教題黃駕

部雲鵠始祖母談氏完貞伏虎圖有句云太湖渺何

極螭山鬱蒼蒼

獅子巖 在大同鄉六溪冲陳工部詩鐫字於石曰臥

雲巖

馬鞍山 在大同鄉有龍井水甘冽陳工部詩贈汪雲

句老我尙懷龍井水故人相問馬鞍山

判官腦山 在州北九十里頂如磨盤前有藥王廟

求雨壇山 在州北七十五里山石峻峭居民禱雨處
矛磨砦山 在州北七十五里峯巒聳拔山北有盪雲
石上有雲霧菴

鉢盂山 在州北七十五里以形似故名山腰有八蜡
廟下有九曲溪第四橋浴月池沁脾井雙眼井諸勝

白石山 在州北七十里

蒼雲巖 在矛磨砦山北

小桴山 在州北百八十里

黃蔭山 在檀林河上五里山有綠蘿菴陳愚谷有記

蘄州志

卷之二

山川

三七

詳藝文 以上新稿

水 江河湖池口磯洲港井潭泉附

江水自蘄水縣之迴風磯下十里逕唐家渡十里逕散

花洲二十里逕茅山港二十里逕羅家埠又二十里

逕掛口十里逕州治二十里逕烏林港十里逕馬口

卽州治雨湖諸水入江處下卽廣濟界 舊志 又考湖

廣通志蘄州自蘄水縣入境至廣濟界堡子墩止共

一百二十里散花洲水勢平順茅山鎮水勢平順漳

源口江南岸地水勢洶湧報部險要對磯洲水勢平

順烏林港馬口
今屬廣濟

蘄河發源於四流山之南過查家山爲龍井河田家橋牛頭冲諸水會之由青草坪至洪河尖何家舖白羊溝之水入焉又西大桴冲諸水會之又十里河南坂之水會之又東將軍山相山細竹河檀林河諸水會之爲兩河口又東三十里宿松界龍目冲之涼亭河入焉過張家塆西自葛塲山來之六溪河水注之又五里爲小楊樹馬鞍山水合清河冲水會瓢舖水入焉至芭茅街下東來張德彬冲王裕冲姜家冲水逕

蘄州志

卷之二

山川

三八

白水畝河會焉又四里西來之裴蔡二冲水逕水車河注之又數里至望天畝東來七里冲小水注之至孫家林紫雲山龍鬚冲桐梓河諸水入焉又十里逕鳴公嘴西來石鼓冲水由白茅河注之又十里東南來諸水至蓮花菴入焉至劉公河西北之仙人臺康宗堡汪家壩獅子口澤霖河諸水會焉又數里自駱駝山東來金絲港水注之十里至甕門爲洗馬潭至關溪河西來蘄陽坪柳木衝至株林河胡家河諸水注之逕黃城河西來李達衝烏石橋石流堰石壁巖

諸水入焉又五六里西有支河名王家港分大河之派與高家新舖下流大河水會至白雲山前突起一洲左爲蘄河卽舊治所在右爲西河驛遞在焉蘄河東五里逕漕河黎企衝謝家河兩小水注之由漕河分爲二一逶渴口市西蘇家河水入焉歷二十里出葫蘆口一逶渴口市東由沔陽街至陳氏半畝園亦分爲二不里許復合又東二十里至三竇橋河下流東會於赤東湖其西河之水南八里逕易家河又西來橫車橋諸水注之又五里逕路口畝南城河之水會焉

蘄州志

卷之二

山川

三九

又里許至白池湖又十餘里歷楊公潭與渴口市西水會至土門河下流與西簪埠河之水同入赤東湖至相見灣遂合流由掛口入江潘志叅錢志

州西北之水源出蔣家山琳山有自峽河合流至兩河口者有自蘄水段家河歷鄭家港至兩河口者俱匯蘄水策湖由茅山口入江

州東北之水源出廣濟隣西鄉崇陽橋栗木橋至州乾沙河清水河下河橋萬壽橋匯蕪塘赤東諸湖由掛口入江

按蘄河發源四流山衍爲龍井河巫瀝河鴛鴦河洪
河石柱河凡六十里之水悉由英山分界由北而南
者也其東北隅則自太湖分界爲石堰河駱家河細
竹河蕭家河合流檀林河逕茅坪河與英界水會注
宗渡河自是而西折十五里則由宿松分界之龍目
衝諸水逕澄竹河涼亭河西五里爲六溪河又十里
爲魏家河更十里至蔡家舖有自黃梅分界之白水
坂諸水越十里則上由黃梅分界下由廣濟分界之
三十六水及桐梓河逕鴉青河凡此皆水之由東而

西者也西十里爲石鼓河源爲差近復十里有南自
廣濟分界之櫟樹山水田家河水北流而入又西十
里爲劉公河則西北隅由英山分界之鄧家河百丈
河逕澤霖河注於東南十五里爲甕門潭又五里爲
關口河有自蘄水縣流入州境之水會西龍河逕華
家河蔡家舖河株林河白石河胡家河注之關口河
踰五里爲黃城河則由蘄水之黃城街土陂山諸水
流入州境此水之由西而東者也西南二十里逕舊
治分爲二左蘄河逕漕河越土門山之陰右西河逕

易家河踰土門山之陽並由濟西而東入州境諸水
匯於湖合流掛口注之江其獨流惟彭司一河源浞
界蔣家山歸注茅山前若左赴南直祇劉全冲曹家
冲兩水未入蘄河耳餘皆曉晰可指約志原委於此
至於細流涓注殊未易悉數俟知者詳之

錢志

河名

龍井河 州北二百二十五里

巫澁河 州北二百二十里

鴛鴦河 州北二百里兩山鎖流如鳥比翼

蘄州志

卷之二

山川

四

石堰河 州北二百一十里

洪河 州北一百九十里

細竹河 州北一百八十五里

駱家河 州北一百八十五里

蕭家河 州北一百八十里

石柱河 州北一百八十里

檀林河 州北一百九十里有市集

茅坪河 州北一百七十五里

澄竹河 州北一百七十五里

宗渡河 州東北百八十里龍目山下舊志以爲宋高宗南渡經此非也今名兩河口

六溪河 州北一百五十里

鄧家河 州北一百六十里

涼亭河 州北一百五十五里

百丈河 州北一百五十里

魏家河 州北一百四十里

桐梓河 州北一百二十里有市集

鴉青河 州北一百三十里

蘄州志

卷之二

山川

四二

西龍河 州西北一百二十里

石鼓河 州北一百一十五里

田家河 州北八十里

華家河 州北一百一十里

澤霖河又名窄林河 州北一百里

劉公河 州北九十里

胡家河 州西北九十里

株林河 州西北一百里有市集

達城河 州西北一百二十里

關口河 州西北八十里

黃城河 州西北七十五里

西河 州西北六十里有市驛在焉

甘篋絲河 州西北五十五里

易家河 州北四十五里

漕河 州北五十里大市集

簾埠河 州北一百三十里

彭思河 州西北六十里有市集 以上錢志

翻車河 按舊志在州東南八十里則非今所屬矣

蘄州志

卷之二

山川

四三

渴口 州北四十五里

乾沙河 州東北十五里

清水河 州東北五十里 以上潘志

湖

雨湖俗名諸家湖 在南門外考一統志蘄州雨湖東

通廣濟縣馬口湖入江民多業漁於此曲折周迴凡

二三十里春多桃李夏盛芙蓉為州最勝處 通志詩詳藝文

故李嵩岑有下雨湖不下西湖之語 志畧

赤東湖即八里湖 在州北十里上納蘄河水下由掛

口入江湖有九十九汊爲孔道所經州境湖之最大者曰赤東其東十里有湖曰沿市曰金沙曰西湖皆湖之支流 通志詩詳藝文

蓮市湖 俗名沿市湖

西角湖 俗名洗脚湖 在州東北水漲時由大徑橋入金沙

湖

蕪塘湖 俗訛稱鴻塘湖 在州東北由沙徑入金沙湖

白池湖 在州西北四十五里有小市集 以上潘志

掛口 即斬口 在州西五里斬河諸水會以入江處春冬

蕪州志

卷之二

山川

四四

水涸時灘上有泥極膩蘇窰戶取以釉瓦器謂之釉泥 志畧

柳嶼一名鏡口 在雨湖 詩詳藝文

池

蓮花池 在北門外十牌樓 詩詳藝文

夜月池 相傳以爲城東有池中沉古鏡夜常吐光爲

十景之一今淹沒無存矣 詩詳藝文 四照堂集

磯

龍眼磯 在江心因宋大觀四年立廟祀順濟王故名

水涸則廟在洲上

乾明磯 在大士閣南相傳羅真人飛昇處履跡猶存

南對鴻宿洲 見通志

新生磯 在江心上有文昌閣浮玉亭俗呼釣魚臺道

光二十九年大水閣廢

螃蟹磯 在第一關

南陽磯 在州西江濱接蘄水縣界今名月石磯 通志

考水經注南陽山曰苟磯亦曰南陽磯仲雍謂之南陽圻一名洛至圻一名石姥水勢迅急

蘄州志

卷之二

山川

四五

洲

鴻宿洲 在州南二里一名金沙洲秋冬有鴻集於此

宋景定四年元兵據白雲山設礮守者懼走保鴻宿

洲 通志 鴻宿洲者即桑氏所云蘄陽洲酈氏所云石

穴洲北朝魏時嘗徙治於此矣 顧氏志論 詩詳藝文

白田洲 在西江中北對月磯又名對磯洲

新興洲 在江心

琵琶洲 在江心 以上錢志

楊段洲 在州北三十里

散花洲 在州西七十里抵蘄水界相傳爲三國周瑜
賞軍散花故名

艾家洲 在州西北八十里

漳源口 在江南岸抵大冶界 以上潘志

井

官井 在大西門內街中 錢志

硃砂井 在城內關聖行宮側水最清澈明荆府所鑿

詩詳

藝文

義井 在州西北十里

蘄州志

卷之二

山川

四六

龍窟井 在永福鄉

冷水井 在城外缺齒山

六龍井 在白雲山下廣教寺

西河井 在白雲山下廣教寺

烏龍井 在青山土地河井上有宋嘉定六年題字 志畧

東洞井 州東北二十里亦清澈湧沸不竭石壁環抱

峙立 通志

雙水井 在三角山

留月井 在五嶽山

丹井 詳見丹井山內

三眼井 在營衛右

烏龜井 在花橋水最清澈冬温夏涼能止熱疾以上

潭

鈔鋤潭一名洗馬潭在甕門山為青崇大諸水所匯之處顧氏謂春漲每至洶湧奔迅澄澈時見大鯉魚長丈餘相傳龍也

葫蘆潭 在州東百二十里

鰈魚潭 在唐家山澗中橫巨石酷似鰈魚故名

新州志

卷之二

山川

四七

師姑潭 在州北四十里今名黃土潭 名見泣蘄錄

泉

蘄州第一泉 在大泉山又有仙人洞

卓錫泉 在州東一百一十里

大盈泉 在州東十里四時不涸

温泉 有三 在桐梓河土人呼為梅家湯池水熱如湯

隆冬可浴 詩詳藝文

三十六水 在州東北源出黃梅縣界今名高溪河 通志

水利 津梁附

靳南濱大江北接羣山諸湖絡其腹下流之區漲淤時多陂塘之設皆利藪焉津梁所以利涉也王政重之詳建與修者使得藉是以不朽云志水利

蓮花池一名黃家塘在北門外周公山下水流四五里永安壩在州西北十里赤東湖明萬曆二年修

瓦屑壩在州東明宏治年間知州陳霽築

東門壩與瓦屑壩近指揮李繼築

南門壩通河街羊子壕並迎山馬口諸處

靳州志

卷之二

水利

四八

菩提壩距州三十里安平以南水所注之處

許家塘在教場口北水流二三里

馬家塘在瓦屑壩水流一二里

施家塘在安平一圖二舖西水流二十里

周家塘在州治北缺齒山水流四五里

盧家塘在安平五圖走馬嶺下水流四五里

清水塘在州東楊家井下十五里

袁家塘在安平四圖高廟山下水流二三里

白陂塘在安平下鄉白陂山水流三四里

破塘在安平下鄉廖家山下水流四五里

馬婆塘在州北五十里

余家塘在渴口上畝水流六七里

藕塘一在鎖口山水流入九里一在關口河水流入七里

管恕庵古塘在寒婆嶺下水流里許

泉塘在黃土山下水流四五里

周家塘在長嶺山下水流三四里

五岳塘在西河驛水流七八里以上潘志

烈女塘在五岳山下髮逆之難有女遇賊投塘死焉土

蘄州志

卷之二

水利

四九

人哀之故名 新增

董家塘在靈虬山下水流三四里

箭陂塘在火爐舖水流六七里

鴛鴦塘在永福馬驛山前水流七八里

楊家塘在永福烏石山下水流四五里

二聖塘在青山三圖花園嘴水流六七里

鮑家塘在青山下鄉俗名鮑家湖水流四五里

胡家塘在山口冲下水流三四里

陳興堰在安平五圖東高畝

白家堰在安平五圖蘇家畝

後河堰在高家畝水流三四里

蓮花陂堰在史河口畝

張輝堰在楊樹嘴畝

高家堰在永福下鄉

高秋堰在烏石山下

長港堰在青山黃城河畝

蕭落長堰與青山黃城河相近

石郎堰在大同三圖馬家畝 以上錢志

蘄州志

卷之二

水利

五十

按舊志所載塘堰水利皆有裨益於民田者至所載
灌注田畝今昔開墾淤塞以致有廣狹之異故不錄

白鶴堰在安平管家林山下水流七八里

童家堰在安平大王山西下水流可灌數百頃

六合堰在安平高德畝嘉慶三年高攀灝糾六戶衆買

田開溝建閘引河水灌田

駱家堰在安平八斗坵州北六十餘里

游家堰在安平馬家冲

冷泉陂堰在安平長林岡下

孟家堰在青山鄉烏石橋河水流可灌東西二畝並
家園田數百頃 新增

津梁 附

金箱橋在東門外乾隆丙寅年建

玉印橋在北門外訓導陳欲珍捐募建

合濟橋在符乾關口訓導陳欲珍監生張燕捐建道光

年間橋圯土人架木爲之

滑石橋在州治前宋景定五年安撫使王益建

新興橋在州北四里

蘄州志

卷之二

津梁

五一

高家橋在南門外

以上錢志

石鼓河橋在城北一百一十五里陳法壁建

馬口橋在城南二十五里州民梁均宇募建不足醫房

屋以竣功

西龍河橋在青山鄉州北一百二十里貢生陳欲瑛捐
建

天賜橋在青山松山寺下山墜長石壓兩岸成橋故名

天賜橋

掛口麟山書院渡在州北十里

乾明渡在州治城西

沙徑渡在州北十五里陳惟聰戶王廷震戶各捐渡船

一隻並置渡田先後置田三石九斗五升五合有碑記

關口河一作關溪河在州北八十五里其河接洗馬潭下流

水勢浩大分東西二流東流

國初生員李鄧林捐橋船並田稞三十二石嘉慶間貢生

駱鍾蘭捐建橋其子理問駱以載復置渡前後共捐

田稞六十二石千總李泰續捐田稞十七石西流胡

登一駱公浩捐募橋渡置有渡田後田渡廢李泰復

新州志 卷之二 津梁 五二

捐募置田稞二十六石花園港店屋一所

黃城河渡在州北七十五里陳惟聰戶捐竹筏二隻監

生王乾胡便捐募橋渡並置田稞附近有衍慶橋李

登兆募建

按黃城河橋名陽春所置渡田計種五石七斗屬王

乾管理乾卒子德等續理又張淑宜續捐田計種二石

零二升五合又增置田計種三石零二升七合一勺

而衍慶渡則附近上流之支河也先是李登兆募置

渡田七斗田少而低邇來頻被水害租納難以敷費

德以其渡附於陽春橋而更分陽春橋渡田之餘以助近地橋渡費之不充者約數處誠善舉也

亞公河渡州同陳法璧捐田稞二十七石

白馬渡在州東關外

黃顙口渡在州南十里通興國州

易家河義渡在州西北四十里

顧家橋在一關外副憲顧闕建

吳公橋在大西門外

排埠橋在赤東湖西嘉靖丁酉年建

蘄州志

卷之二

津梁

五三

國朝乾隆間生員田之魁貢生江惟金捐募重修橋路置田道光丁亥生員余松齡監生杜相捐募續修橋路置田並建亭造船

大明橋在赤東湖口明嘉靖間建順治十五年李如巖捐募重建孫湯嗣扶九承修並置義渡

芭茅橋在州南芭茅山之側官路

道人橋在州北漕河市前建以石整架爲寬橋道光七年被水冲圯邑人高效曾募建復被水壞市公捐募改石整爲轉蓬五座

善慶橋在西河驛爲孔道要津先是康熙年間邑人劉楚相湯有光陳于座許志士劉玉光袁剛鄭重僧正心兩次募建石橋皆未成乾隆年間貢生袁士昌改石壑架木爲梁募金不給捐銀三百兩橋始成近時里人募修名仍舊又有小橋

轉蓬橋在州北四十五里渴口市一名三洞橋康熙二十四年陳惟執捐建

中心橋在鴻宿洲明嘉靖十五年壽官鍾惠建
歐家渡在青山鄉渡邊有石鐫雲路二大字

蘄州志

卷之二

津梁

五四

駱駝橋在崇居鄉明宏治元年衛舍人唐仁建

劉公河渡監生陳述古捐田一石四斗竹筏一隻

大王廟烏龜港

俗呼吳桂港

兩橋俱陳吳氏捐建

以上錢志

長壽橋在州東三十里康熙間田瑞芝重修道光戊戌監生徐才華偕弟金榜補修

蓮花橋在州東三十五里元正統間趙容甫捐建嘉慶年間張梅山蓮橋二祖暨張石潭重修

大徑橋在州東北十五里有渡張石潭捐
烏龜石橋在州北三十里有渡張石潭捐

陸家橋渡在州北三十里

萬壽橋有二一在下河廟乾隆庚子監生張用軒督修

嘉慶癸酉張石潭補修一在白池湖置有田稞

三竇橋或作山渡在州北三十五里有渡田見該地古碑以上潘志

泥河埠渡

白家堰渡

聚樂橋在州北高家新舖嘉慶間監生高勝楚募建道

光間監生高懷高斌捐募重建前後共置田稞一百

八十餘石

蘄州志

卷之二

津梁

五五

青雲橋在州北王家港

戴口渡在渴口貢生陳天篤捐有渡田

易家河橋在州北五十里置有田稞店租

蔡家橋在州西北圓峰山下鄉飲介賓王秀文捐渡船

一隻監生余青美募造渡船一隻置田稞一十五石

附近下流新開鎮在管家窰生員管宗桓等捐募置

渡並有田稞

茅山港渡余履中捐船一隻並田稞十一石零

喇叭湖渡在祝家橋余法周捐船一隻置有田稞二十

石零

普福橋廣福橋劉思謙捐募建置有田稞

管家湖渡管宜

謙訓宜議

捐募有田稞

燕詒橋在關口河貢生駱馥軒捐建

萬緣橋在株林河萬緣菴石陳理範陳開緒募建

集慶橋在青山董家河口監生駱磊軒捐募建置有田

稞二十餘石

仁壽橋在州北馬路口駱龔二姓捐募建並渡簰一隻

田一石三斗

同治年間因橋渡廢弛二姓合議橋歸駱姓募修渡簰歸龔姓添置

律梁

靳州志

卷之二

五六

三多渡在州北獅子口嘉慶間募建置有田稞四十九

石監生吳登甲經理

株林河渡乾隆癸酉陳洪緒捐置橋簰並置田一石一

斗又陳正書女長姑復捐渡船一隻名濟陰渡置有

渡田

甕門渡在州北七十五里鈷鉬潭口李方高建橋船並

田稞二十石後衆募修

青崇橋在鈷鉬潭邊青崇二鄉交界處故名

萬歷橋在甕門明萬歷時建旁鐫有萬歷橋三字

花橋在州北百三十里庠生吳善玉建

善緣橋在州北百三十五里道光十九年里人朋建

六秀橋州北百三十五里三十六水之口傍有六秀橋

石刻三大字有一聯云雲映松山秀橋關澗水清里

人梅希楸募金重建

生孫渡在蓮花庵大河口乾隆丁酉陳虞廷建並置田

蜈蚣橋陳述古建

埒上橋陳菖湖建

六溪渡在大同張家埒下街乾隆三十九年陳士金捐

蘄州志

卷之二

津梁

五七

簾橋並置田稞復於道光元年士金支下續置簾一

隻有田稞

善緣橋

一名巴家橋

在州北二十里高溪畝交黃梅界

兩河口渡在州北百八十里道光丁亥監生吳濬捐並

置田稞十石

小楊樹渡在州北百五十里里人程應魁捐有橫路舖

田久廢近范方二姓捐橋置有田租范繼文捐渡簾

一隻

趙家河渡在汪家壩下流道光二十二年汪思霧捐田

稞五十二石 以上潘志

闕子堰橋在城北三十里高玉書募修改木橋為石橋

漁田寺渡在城北三十里

荆姑橋在永福鄉明荆定王女捐建

敦善渡在張家塆上街田祿戶捐有田稞十餘石

烏石橋在烏石山左三里李自蕃建

通濟橋在鋪兒嘴州北八十里

六門橋在州北八十里

貴公橋在五斗河李玉建

蘄州志 卷之二

津梁

五八

第四橋在鉢孟山下九曲溪增生李星坊捐建有碑

虎石橋在永福鄉張紹文妻童氏捐建

盤石橋在永福鄉舉人熊心璋捐建後被水頽王叶四

募貲修復

金獅港石橋在劉公河下太學生胡二元與貢生郝定

疆茂林等合修

玉京橋在西流衝口同治間例貢生陳斯廣捐建

西流巖橋咸豐間附貢生陳瑞龍捐建

三星橋在達城河咸豐間附貢生陳瑞龍捐建

楊家橋在長塘角同治間例貢生陳斯廣捐建

萬壽渡在華家河華仲德捐過手田一担佃稞九石七斗五升

盧家河橋同治間職銜陳慶勛捐建

株林河橋同治間職銜陳青慶捐建

善慶橋道光二十九年圯營千總銜陳之瀚捐建更名

普濟橋置有田稞

萬善橋在張家塆下六溪河里人暨鎮商等募建

三家店石橋五鄉通衢被水衝壞同治七年秋營千總

蘄州志

卷之二

津梁

五九

龔灝兄弟等捐金五百餘續建轉蓬橋一座縣丞龔漢池兄弟亦助貲襄成

吳桂港石橋五鄉要衢被水衝折同治十一年春龔灝

漢池兄弟等共捐金六百餘復建接年補修

蓮花庵大河綿綿橋係黃廣要路龔灝漢池兄弟等捐

稞六十餘担又竹籬一隻係先年灝祖達所捐每年

給工食穀二十担又錢二串四百文以爲整修竹籬

之費龔攀桂捐田三斗竹籬一隻龔泰階與胡毓章

共捐田三斗竹籬一隻又衆姓共捐田五斗餘竹籬

一隻

侍郎廟河橋渡在大同鄉衆姓捐建並捐有李家山田
稞二十石響馬潭田稞二十石

聶家壩橋光緒三年胡宗卿以相與龔祖保祖德重修
八里湖渡在州北監生龔達捐渡船四隻置有田稞咸
豐初燬於賊光緒六年達之曾孫等將架船費在相
見灣造木橋二道湖水涸時行旅稱便光緒八年達
之元孫營干總勲太學生之庚霖溥等復造平底大
船二隻行人隨便給錢以作工食修整之費詳碑

蘄州志

卷之二

津梁

六十一

劉公河橋張意敏胡澧倡修木石橋各一渡船二隻置
田稞爲每歲修資胡銜亭捐渡船一隻子國勲得親
續捐田稞十六石孫周翰復捐田課八石

張家橋在治東崇居鄉離城九十里

萬壽橋在治東三十五里

七里橋在治北四十五里

鄧信橋在州北三十里

衆善橋在崇居鄉白水畝生員吳延齡捐建並捐田稞
十六石

黃土嘴渡筏在劉公河下貢生郝定疆捐有楊鬚墻田
五斗楊家湖田四斗八合六勺以爲歲修之費

黃土埠渡 袁家湖渡屬方澤元 陶家磨渡俱在安

平鄉

補遺

永成堤在南門外雨湖 同治壬申年鄉紳王俊傑王

錦蘭范煥文伍祥雲王安仁王紹全王霖等創修

岐山橋在竹瓦店東岐山廟下

乾沙河橋在安平鄉蘄廣交界

蘄州志

卷之二

津梁

六一

盈占渡在呂家大河口蘇家河口兩處呂世顯戶公建
並置有田課三百餘石

八里湖渡在州北貢生郝定疆捐船一隻咸豐初被賊
燬光緒八年疆復造大船一隻其條欵與龔姓同

西河渡中橫一洲河分爲二南大北小康熙乾隆間近
河十四戶公置烏石橋教家畷胡北山及河東西等
處田課一百四十石內沙壓石十餘石置南河大小渡艇各一

每歲給工食谷三十二石又光緒甲申待詔李玉續
捐劉家灣田課十五石爲北河 之資

